

插图本中国古代史料集成

(第一輯)

五

线装书局

欽定四庫全書

明集禮卷三

吉禮第三

祭地

總叙

三代祭地之禮見於經傳者夏以五月商以六月周人以夏日至禮之於澤中方丘蓋王者事天明事地察故冬至報天夏至報地所以順陰陽之義也祭天於南郊

之園丘祭地於北郊之方澤所以順陰陽之位也然先王親地有社存焉禮曰享帝於郊祀社於國又曰郊所以明天道社所以神地道又曰郊社所以事上帝又曰明乎郊社之禮或以社對帝或以社對郊則祭社乃所以親地也書曰敢昭告于皇天后土左氏曰戴皇天履后土則古者亦命地祇為后土矣曰地祇曰后土曰社皆祭地也此三代之正禮而釋經之正說自鄭玄惑於緯書而謂夏至於方丘之上祭崑崙之祇七月於泰折

之壇祭神州之祇析一事為二事後世宗之一歲二祭
自漢武用祠官寬舒議立后土祠於汾陰睢上禮如祀
天而後世又宗之於北郊之外仍祠后土元始間王莽
奏罷甘泉泰畤復長安南北郊以正月上辛若丁天子
親合祀天北於南郊而後世又因之多合祭焉皆非禮
經之正義矣由漢歷唐千餘年間親祀北郊者唯魏文
帝之太和周武帝之建德隋高祖之開皇唐玄宗之開
元四祭而已宋元豐中議專祭北郊故政和中專祭者

凡四南渡以後則惟行攝祀而已元皇慶間議夏至專祭地未及施行國朝以夏至日親祀皇地祇于方丘其歷代儀文之詳列于左方

壇壝

祭法曰瘞埋於泰折泰折封土祭地之處折曲也言方丘之形四方曲折象地秦祀后土於高山之下命曰時漢武於澤中方丘立后土五壇壇方五丈高六尺又於雕上立后土宮宮曲入河名曰太一旦丘東漢北郊在

洛陽城北四里為方壇四陞中營外營隋方立於宮城北十四里立再成成高五尺下成方十丈上成方五丈唐夏至祭皇地祇於方丘其長安壇在宮城北十四里洛陽壇在徽安門外道東一里其壇再成下成方十丈上成方五丈八陞立冬後祭神州地祇於郊其壇長安在光化門外黑帝壇之西洛陽在徽安門外道東一里高五尺周四十八步宋熙寧祀儀祭皇地祇壇八角三成每等高四尺上濶十六步設八陞上等陞廣八尺中

等陸廣一丈下等陸廣一丈二尺三壝每壝各二十五步神州地祇壇廣四十八步高五尺兩壝每壝二十五步元方丘之制未及施行國朝方丘壇制第一層壇面濶六丈高六尺四出陸南面陸濶一丈八級東面北面西面陸俱濶八尺八級第二層壇面四圍皆濶二丈四尺高六尺四出陸南面正陸濶一丈二尺八級東北西陸俱一丈八級壝去壇一十五丈高六尺正南靈星門三正東西北靈星門各一周圍以牆面各六十四丈正

南又靈星門三正東北西又靈星門各一庫房五間在
外牆北靈星門外以藏龍椅等物廚房五間宰牲房三
間天池一所在外牆西靈星門外西南隅齋次一所在
外靈星門外之東隅間在外靈星門外之西浴室在
東齋次之中

瘞坎

爾雅祭地曰瘞埋瘞埋謂瘞繒埋牲也蓋陰祀自血始
故瘞血以致神不可不在先及致神矣方有事焉至於

禮畢則以牲幣之屬而瘞之然後為禮之終也後齊為瘞坎於壇之壬地中壝之外廣深一丈二尺唐瘞坎在內壝之外壬地方深取足容物南出陞宋開瘞坎於子階之北壬地國朝瘞坎在外壝壬地其瘞牲體周人瘞血漢用首及左髀東晉用脅之九筭唐用首宋用左髀國朝用周制先瘞血其祭畢奉牲幣祝饌而埋之

神位版

漢以前祭地神位版無考魏明帝題曰皇皇后地梁武

時題曰后地而不見其制唐題曰皇地祇配帝曰太祖
景皇帝其神版皆以黃金飾木鏤青為字其從祀神位
則用朱漆金字宋如唐制元皇地祇位版用青漆金字
國朝正位題曰皇地祇配帝題曰仁祖淳皇帝位版並
黃質金字從祀題曰五嶽之神四海之神四瀆之神五
鎮之神神位版並赤質金字

配位

配地之神周禮無文鄭玄以孝經緯云后稷為天地主

則后稷配天南郊亦當配地北郊矣其說無據至漢平
帝用王莽之說以呂太后配光武時改薄太后為高皇
后以配後魏道武以神元竇后配則愈不經矣隋始改
用太祖武元皇帝配唐高祖時以景皇帝配貞觀中以
高祖配宋初以四祖迭配皇地祇太宗時以宣祖太祖
更配其後惟以太祖配國朝洪武三年五月二十日親
祀北郊奉皇考仁祖淳皇帝配

從祀

春秋公羊傳曰天子祭天地有方望之事無所不通方

望者謂因郊祀望祭四方之山川也漢元始中用王莽

議祭地理山川皆從光武祀北郊地理羣神從祀皆

在壇下

其目之詳見郊天從祀中

隋以神州迎州冀州戎州拾州柱

州宮州咸州揚州及九州山川林澤丘陵墳衍原隰皆

從祀唐從祀以神州五方嶽鎮海瀆山林川澤丘陵墳

衍原隰宋以神州地祇五嶽五官五行之神祀於壇之

第一等四海四瀆五鎮於壇之第二等崑崙五山五林

五川五澤於壇之第三等五陵五墳五行五原五隰於
內壇之內元合祭天地于園丘亦不及嶽瀆山川之從
祀國朝惟以五嶽五鎮四海四瀆四位從祀方丘

神席

周人祀地席用蒲越藁秸漢以莞簟唐麟德中正位及
神州加用黃褥配帝以紫餘從祀以莞開元中正位仍
用藁秸配帝以莞神州地祇以藁秸五鎮以下用莞宋
景德中席又加褥正位以黃配位以緋元豐中復撤去

惟用藻結及莞元皇地祇用席褥國朝用龍椅龍案錦
坐褥配位同從祀神位並設于案不設席

祝冊

祝冊之制見祀天篇唐祀地祝文曰嗣天子臣某敢昭
告于皇地祇乾道運行日躔北至景風應序離氣效時
嘉承至和肅若舊典敬以玉帛犧齋潔盛庶品備茲祇
瘞式表誠懇高祖神堯皇帝配神作主尚享配帝祝文
曰孝孫皇帝臣某敢昭告于高祖神堯皇帝特惟夏至

肅敬訓典用祇祭于皇地祇惟高祖德叶二儀道兼三
統禮膺光配敢率舊章謹以制幣犧齊粢盛庶品肅雍
明薦作主侑神尚享元祝文並缺國朝洪武元年五月
十四日夏至親祀方丘祝文曰闕

洪武三年五月二十四日親祀方丘正位祝
文曰時當夏至萬物咸亨用遵彝典謹率臣僚以玉帛
犧齊粢盛庶品奉茲瘞祀皇考仁祖淳皇帝配神作主